

**Kayëte kigëna mba Pol nte
kerëhnëkëhni vëvë
Tesalonik
Wade yehëhna hnë inji
kayëte**

Kayëte kigëna mba vëvë Tesalonik va nëmpëlëna dūs gë ndënkwërënkw ña. Inji kayëte fëna vëhni Pol gë Silas do gë Timote matik wati nte nkeniho Korent hna mpëdara yëbëlan bëhn wafëhw wahnah g'imbed gë wahnah gë bëhn wafëhw imbëd gë wahi (49 gë 52). Pol camehnëdëha Wënu ña soje ile nkoni kahnëndani harënkw wahorot hna. Kamënaÿehnëdëhëhni tëfëni nkaw nte tëhnani hnë Këris ña do kamënaÿehnëdëhëhni ntini fop vantiyehn vante wëatik hn'ikwëtahn hna.

Vële hwëtahnëk va fop boka Ahwëhn a napëdëni do Pol pacëhnëndëhëhni iÿin diyana ten. Pol ndëkwëtehnëdëhëhni wëdahëse wante ryënkwëhni d'iboka Këris ña. Ani g'umë, had fuhnë, macinëkëfu nufin nkaf d'oku hnë d'uniÿa li.

Wëlin wanës wakwëhn nafa hn'inji kayëte: aÿënta, Pol, iboka, kayëte, yam, ikwëtahn, fanka, satah, Ayapah, doku.

Wëlin gante nke kayëte ka:

Simpaÿi (1.1-2)

Ahwëhn a njijëd kitiñ d'uniÿa ÿi (1.3-12)

Ile ryënkwëhni dëha mbokahnind Ahwëhn a (2.1-12)

Iyaŵ hn'ikwětahn (2.13-17)
 Pol tēyēd wayēfa (3.1-5)
 Imac dokuŋa had Pol (3.6-15)
 Iyēfa gē simpaŷi (3.16-18)

Simpaŷi

¹ Ami Pol gē Silēve* do gē Timote herēhnēryidēhu, ŵuhnē vēvē cery sali vē Tesalonik le kwēhnēk Wēn Rēm fu ŷa do gē Ahwēhn a Yesu Kēris.

² Arabi Wēnu ŋa Rēm fu ŷa do gē Ahwēhn a Yesu Kēris njēdēnihu ipērēna gē yam ŷa!

Ahwēhn a njijēd kitij duniŷa ŷi

³ Vēyēnta fu, tēfēkēfu samehnēndēfuna kwēlēkwēl Wēnu ŋa soŋe hun. Umē saŋah ye, kabi ikwětahn hun ŋa nayaŋa nayēd, do inahnēl nte hwēhnarun ŋa gwēna ŋa nkwēnad.

⁴ Soŋe rac, cēkwaryēderun hnē vacery sali vakawary vēmba Wēn hna. Ha, njawēnērun do kwētarun ikwětahn hun ŋa la gante ko-rotehnēderun ki do dūñēnadun hnē vambēr vasiyamah.

⁵ Vēyin fop fēhnētanēd kiti Wēnu ŋa satah ye, gante nuhanderun had vēle tēfēk Inaŵ Wēnu ŋa, soŋe rac horotahnēdun.

⁶ Paryi nke, Wēnu ŋa catēk: horot cosēdēhēhni vēle horotehnēdēhu va

⁷ do njinēgehndēhu ŵuhnē vēle horotēd vi, do fuhnē fēna. Watac nkeḏ ge Ahwēhn a Yesu

* **1:1 1.1** *Silēve*: Ale ŵacik Silēve ŷa ŵacik fēna Silas hnē kayēte 1 Vēvē Tesalonik hna.

matini g'ambin gë wamëleka wadëwu wakwëhn fanka ɲa;

⁸ hnë fagant hwëdëh hucankaf njijëd, do pinijëdëhëhni vële wok vëyëtëdilahna Wën va do wok vëwawëhnëdina Wanës Wakasëk Ahwëhn fu Yesu ɲa.

⁹ Ibëv kwëlëkwël ɲa yed icos dëw hni ɲa gë ɲawëta Ahwëhn ɲa do gë ɲawëta icëmb fanka falëwu fa,

¹⁰ ge njijëk hnë fac rac soɲe cëmbëniha do naÿënëniha vële kwëhnëk do hwëtahnëka umë va. Wuhnë dënk gë vëhni nkentëderun, kabi kwëtahnërun wante rëfëtanëhnirun ɲa.

¹¹ Soɲe rac ye, yinëgadilëfuhna iyëfan hun ɲa. Njëfadëfunëha Wën fu ɲa gante ntihandëhu vële tëfëk uwac lëwu wã ile macëku. Njëfadëfunëha arabi, gë fanka falëwu fa, ndemawu aliwu fop iña përen ɲa gë fop ntiyehn nte watik hn'ikwëtahn hna.

¹² Koyëna, uwac Ahwëhn fu ÿa Yesu ntënënëde soɲe hun ÿa do wuhnë ntënënëderun soɲe lëwu ÿa gante nke ipërëna Wën fu gë Ahwëhn a Yesu Këris.

2

Ile ryënkwëhni dëha iboka Ahwëhn a

¹ Awa, vëyënta fu, soɲe iboka Ahwëhn fu ÿa Yesu Këris, g'ibarël fu darël lëwu, muntaderun:

² ge ahnë ntehnëku fac Ahwëhn a tëkik, nt'awawu ahnë mpaÿëmpaÿehn wahakili hun wã ma ntakënwu gë wante watik hn'iyir ma hnë wanës ma hnë kayëte, lakënde ntehnëhni ÿal fu matik.

³ Antë aŵaŵu ahnë tokawu gë sifa wamër-wo; kabi ani gë tēkahnind ŷa afo iyahēta cankaŵ Wēnu űa nke ten do Ayapah a tufēhnaŵ, Ajē ibēv űa,

⁴ ale humaŵ ntehn umē lēbēk fop ile ŵacik ŵēn ŷa ma sēmbēde ŷa. Ndēkēnaŵ dēnk umē ntaña hnē Acery Wēn Cankaf hna mēca ntehn umē ye Wēnu űa.

⁵ Dēnkwētaŵiluhna bi nēsēhnēmuno waűi ante nkobuho hnē ŵuhnē űa?

⁶ Do tame njētērun ŵus ile ŵēmaŷehnēka gante nkoŵ tufēhnana hafo ge tēkēk wati le hahnēndik ŷa.

⁷ Fanka Ayapah le soŵak ŷa ŵoku ŷa nkehahnēk; bare ale ŵēmaŷehnēka ŷa nkoŵ memaŷehn hafo ge cāhētik.

⁸ Awa, Ayapah a tufēhnaŵ, umē ale ndaŵēŵ Ahwēhn a Yesu gē sēl ŵēs lēŵu ŷa, g'icēmb nte lapēhnajēka itēk dēŵu űa.

⁹ Fanka Sintani fa yiyehnidēha Ayapah a Mbēvehnedēha; tufahnēŵ vantiya vante-wo-vante vakwēhn fanka, viŷē vifēmpēhnahnah gē wēdahēse soűe tokahnēhni vahnē va.

¹⁰ Gē sifa vankeya vameh va fop, tokadēhēhni vēle sēvēd va. Cēvēdēni kabi vēhacana iűahn toña le fehētakēndēhēhni ŷa.

¹¹ Soűe rac, Wēnu űa njēŵanahnikēhni fanka fale rokaŵ, umē feñēdēhēhni kwētahnēni wamēr űa.

¹² Awa, fop vēle wok vēhwētahnēna toña va, bare ŷaŵ wameh va, kitiűēŵeni menēni.

Iyaŵ hn'ikwētahn

13 Vëÿenta fu, ge fuhnë ye, tēfēkēfu samehnēndēfuna kwēlēkwēl Wēnu ña soñe hun ÿa, wuhnë vële ñahnēk Ahwēhn. Wēnu ña tēhnaku ayewu vëryēnkwëryēnkw vële fehētēde gē Iyir nte facēnēd do gē ikwētahn hnē toña hna.

14 Wēnu ña macēku hn'inqi peh gē Wanēs Wakasēk wante harañirun ña; soñe ahnuÿahnu icēmb Ahwēhn fu Yesu Kēris.

15 Awa, vëÿenta fu, yaŵēnaryin do kwētaryin ikarañ nte harañirun gē wanēs ña ma gē wante herēhnirun ña.

16 Arabi Ahwēhn fu ÿa Yesu Kēris umē dēnk do gē Wēnu ña Rēm fu ÿa ale ÿahnēkēfu do yēdākēfu g'ipērēna dēwu ña, ikamēnaÿehn nte wok puđina do g'itamahn gwamah soñe ile pērēnak,

17 njawēnayehn wasakahn wā do njēdawu fanka aholahnu alindu do ahnēsēndu kwēlēkwēl ile nēfak.

3

Pol tēyēd wayēfa

1 Awa vëÿenta fu, watēkwala ña, yēfanēhnëryindēnēfu, soñe wanēs Ahwēhn ña camp ñap do ntēnēni, had gante nkeho hnē wuhnë ki.

2 Yēfaryindēna fēna Wēnu ña pehētēfu gē vahnë vëwēh do gē viyapah va, kabī gena vahnë va fop wāwēd kwētahnēni.

3 Bare Ahwēhn a kahnēndak. Njawēnēdēhu do keryēdēhuna Awēh.

⁴ Wëlin itamahñ nte hwëhñabun hn'Ahwëhn hna soñe wüññe: ntidfun le lehnirun ÿa do nkorun alindu.

⁵ Arabi Ahwëhn a paßary wasakahñ hun wã g'iñahñ Wënu ña do g'iduñña nte njedfahñed Këris ña.

Imac d'okuña had Pol

⁶ Vëÿenta fu, ntehnëderun, g'uwãc Ahwëhn fu ÿa Yesu Këris, ñawëtaryinëhni fop vëÿenta fu vële hëmak va do hwëhñak nkeya nte wok tëfëlëna gë ikarañ nte harañëbunëhëhni ña.

⁷ Wüññe njëtërun d'us gante tëfëku arëfëtalahnunëfu ka: këmalëfunohna ante nkebunëho gë wüññe ña;

⁸ ahñe-wo muntalëfunawohna ile rokëdëfun, bare hnë horot hna do gë hn'ambër hna, g'umëd gë g'anent, ndokuñëbun soñe antë yefu idib ahñe hnë wüññe.

⁹ Age ntibun wañi, gena kabi tëfëlëfuhna arye-mawunëfu, bare ntibun koyëna aharañahniwu nkeya nte rëfëku arëfëtalahnëndu.

¹⁰ Ha, ante nkebunëho ÿal hun ña, ntehnirunëho: «Ale wok ñadina ndokuñ ÿa tëfëlahna tok fëna.»

¹¹ Ntehnëdëfun wañi kabi nkwëryëdëfun ga nësëde, nkeni hnë wüññe vëhëmak, ñoñ vëlidina ge gena le wok gena wadëw hni.

¹² Vële ye koyëna va, ntehnëdëfunëhëhni do kamënaÿendëfunëhëhni g'uwãc Ahwëhn Yesu Këris: tëfëka ndokuñëndëni yam do tokëndëni ñacëñac ntëw hni ña.

¹³ Bare wüññe, vëÿenta mën, antë njambu uli ufërën wã.

¹⁴ Age ahnë ñwëÿëk wante herëbun hn'ani kayëte ña, kamahnëryina do aÿaÿëta wuna, soñe cëfëhnahna.

¹⁵ Antë aliwuna aÿeÿ, bare ahnirawuna had aÿënta hun.

Iyëfa gë simpaÿi

¹⁶ Arabi Ahwëhn yam ÿa, njëdëndu umë dënk yam ÿa kwëlëkwël do fale-wo-fale nke fa! Arabi Ahwëhn a nke gë ÿuhnë fop!

¹⁷ Ami Pol, gë wëbák mën ña dënk kerëhnëryidëmu iÿi simpaÿi. Aki kerëdëfu ÿac mën ge puhnabu vëkayëte mën va fop do aki nke kerëh mën.

¹⁸ Arabi ipërëna Ahwëhn fu ÿa Yesu Këris nke gë ÿuhnë fop!

Wamey
Wamey: Vikerëh Vikasëk Wën gë Wapëgwala (New Testament+)

copyright © 2018 Wycliffe Bible Translators, Inc.

Language: Wamey

Contributor: Wycliffe Bible Translators, Inc.

All rights reserved.

2025-04-30

PDF generated using Haiola and XeLaTeX on 30 Apr 2025 from source files dated 1 May 2025
f961026b-f72f-5bd7-9f75-efa7f932577e